

præparatis ad escam, cum teterrima illa monstra dæmoniorum
 occurrentia contra eam videbis, aut quis te ducet per igno-
 tam regionem. Attende (3) & *quàm citò veniet dies ultima*, III. Judi-
 subitò veniet, sed & forsitan hodie est. Jam adest, jam jam præ-
sentaberis ante tremendum judicem, *accusaberis* multis & ma-
 gnis *offensis*, non uno, nec paucis, sed innumeris *criminibus*,
 non parvis, sed immentis, non dubiis, sed certis, non brevi *accu-*
satione, sed tam longâ, quàm longa est tota vita tua, non unâ ac-
 culatione, sed tot, quot sunt delicta tua. Ipse judex erit accusa-
 tor tuus, omnes etiam spiritus boni & mali coram Deo te accu-
 sabunt. Tot iudicibus propriis astabis, quotquot te præcesserunt
 in opere bono. Iniquitates tuæ omnibus populis nuda-
 buntur, & cunctis agminibus patebunt universa scelera tua,
 non solùm *actuum*, verùm *cogitationum & locutionum*. Multa
 verò tunc venient ex improvîso, quasi ex insidiis, quæ modò
 non vides, & forsitan plura & terribiora his, quæ non vides.
 Undique erunt tibi *angustia*, hinc erunt accusantia *peccata*, tre-
 menda *justitia*, subtus patens horridum *chaos*, desuper iratus
judex, intus *vermis* conscientiæ, foris ardens *mundus*. Si justus
 vix salvabitur, peccator sic depræhensus in quam partem se-
 tuebitur? *Latere enim impossibile est, apparere intolerabile*. Ju-
 dex erit *vebementer iratus & terribiliter districtus*: sententia
 enim simul oblata erit *immutabilis*, tortores *horribiles*, qui num-
 quam miserentur, parati erunt, ut sententia te condemnet ad
 tormenta. Timor conturbabit te, cum terra aperietur coram
 te. Tu ruēs in stagnum sulphuris ardentis & foetentis, ignis ex-
 terius carnem tuam comburet, vermis *interius* conscientiam
 corrodet. Ibi eris sine fine veniæ & misericordiæ, Deum videre
 non poteris, & bonis omnibus carebis, quæ in potestate habui-
 sti. Si vis cogitationes malas à corde tuo expellere, hæc sæpe
 cogita suprâ scripta. Hæc ita, jam non mellitissimus, *Bernhar-*
dus circa fin. lib. prior. de Conscientiâ. Quæ si quis legens aut au-
 diens ad animum sibi non revocet, de eo sanè pronunciet vero il-
 lud Comici (*Heautont. V, 1, 3.*)